

Headline	FRIM tawar khidmat periksa pokok tua		
MediaTitle	Harian Metro		
Date	07 Mar 2018	Color	Full Color
Section	Setempat	Circulation	179,231
Page No	8	Readership	537,693
Language	Malay	ArticleSize	79 cm <sup>2</sup>
Journalist	N/A	AdValue	RM 3,112
Frequency	Daily	PR Value	RM 9,336



## FRIM tawar khidmat periksa pokok tua

**Kuala Lumpur:** Institut Penyelidikan Perhutanan Malaysia (FRIM) menawarkan kepakarannya kepada pihak berkuasa tempatan (PBT) bagi memeriksa pokok berusia yang berisiko untuk tumbang.

Menteri Sumber Asli dan Alam Sekitar Datuk Seri Wan Junaidi Tuanku Jaafar berkata, ia bagi mengelakkan insiden pokok 'hujan-hujan' yang tumbang

dan nyaris menghempap pasang suami isteri di Jalan Ampang di sini, pagi kelmarin, berulang.

Beliau berkata, FRIM sedia menawarkan khidmat nasihat, perundingan teknikal dan latihan dalam pemeriksaan bagi mengenal pasti sama ada pokok yang ditanam di kawasan bandar, berisiko untuk tumbang.

"Saya harap PBT di seluruh negara datang berbin-

cang dan kami sedia membantu mereka memantau pokok yang ditanam dalam kawasan mereka, seperti mana yang dilaksanakan FRIM di Putrajaya.

"FRIM juga memiliki kepakaran dan peralatan untuk melatih kakitangan PBT dan kontraktor mereka untuk menjalankan pemeriksaan pokok dan penyelenggaraan berkala dengan lebih sistematik," katanya.